



KENYATAAN MEDIA

JABATAN METEOROLOGI MALAYSIA KEMENTERIAN SUMBER ASLI DAN KELESTARIAN ALAM

30 APRIL 2024

TINJAUAN SITUASI DEBU GUNUNG BERAPI RUANG DI INDONESIA TERHADAP RUANG UDARA MALAYSIA

Gunung Berapi Ruang, di Sulawesi Utara berketinggian 725m dari paras laut telah meletus semula pada awal pagi 30 April 2024. Ketinggian letusan yang dicerap adalah mencapai 63,000 kaki (20km).

Sehubungan itu, MET Malaysia telah mengeluarkan Amaran Cuaca Penerbangan (*Significant Meteorological Information, SIGMET*) kepada operator penerbangan berikutan debu gunung berapi dijangka memasuki ruang udara Malaysia dan boleh mengganggu operasi penerbangan di dalam *Kota Kinabalu Flight Information Region* (FIR). Debu gunung berapi yang terbentuk boleh menyebabkan risiko kepada keselamatan pesawat.

Berdasarkan model trajektori daripada *National Oceanic and Atmospheric Administration (NOAA)*, debu gunung berapi ini dijangka akan memasuki ruang udara negara dan memberi kesan signifikan sepanjang tempoh ramalan sehingga 5 Mei 2024.

MET Malaysia bertanggungjawab melaksanakan pemantauan aktiviti pergerakan debu gunung berapi ini secara berterusan dan akan mengemas kini maklumat berkenaan dan mengeluarkan Amaran Cuaca Penerbangan, sekiranya perlu.

Orang ramai dinasihatkan untuk sentiasa peka dengan maklumat yang dikeluarkan oleh MET Malaysia melalui laman web rasmi, aplikasi myCuaca dan media sosial.

Sumber:

MUHAMMAD HELMI BIN ABDULLAH

Ketua Pengarah

Jabatan Meteorologi Malaysia (MET Malaysia)

Kementerian Sumber Asli dan Kelestarian Alam

Waktu Dikeluarkan: 10:30 malam

30 April 2024